



Broj: 14-14-16940-10/16
Datum: 30.12.2016. godine

Na osnovu člana 70. stav (1) i člana 69. stav 1. tačka d) i e) Zakona o javnim nabavkama Bosne i Hercegovine ("Službeni glasnik BiH", broj 39/14), u skladu sa preporukom, Komisije za provođenje postupka javne nabavke, Direktor Službe za zajedničke poslove, d o n o s i:

ODLUKU
o poništenju postupka javne nabavke
"Pružanje usluga održavanja i servisiranja motornih vozila
za potrebe Zeničko-dobojskog kantona"

Član 1.
(Predmet)

Poništava se postupak javne nabavke po Otvoreni postupku predmet broj: 14-14-16940/16, objavljen na portalu javnih nabavki pod brojem: 771-1-2-18-3-16/16 od 06.12.2016. godine, a koji se odnosi na postupak javne nabavke "Pružanje usluga održavanja i servisiranja motornih vozila za potrebe Zeničko-dobojskog kantona", iz razloga što od tri blagovremeno pristigle ponude dvije nisu prihvatljive, a cijena preostale ponude je znatno veća od osiguranih sredstava za predmetnu nabavku.

Član 2.
(Objava odluke)

Ova odluka će biti objavljena na internet stranici Zeničko-dobojskog kantona www.zdk.ba i to istovremeno sa upućivanjem Odluke ponuđačima koji su učestvovali u postupku javne nabavke, a u skladu sa članom 70. stav (2) i (6) Zakona o javnim nabavkama.

Član 3.
(Obavješćavanje ponuđača o rezultatima)

U skladu sa članom 71. Zakona o javnim nabavkama, Obavješćenje o poništenju postupka javne nabavke dostavit će se sa Odlukom o poništenju postupka javne nabavke i Zapisnikom o pregledu i ocjeni ponuda, ponuđačima koji su učestvovali u postupku javne nabavke, istovremeno, a najkasnije u roku od sedam dana od dana donošenja Odluke.

Član 4.
(Stupanje na snagu)

Ova odluka stupa na snagu danom donošenja.

Obrazloženje

Služba za zajedničke poslove je na osnovu Odluke o usvajanju Plana javnih nabavki Zeničko-dobojskog kantona u 2016 godini („Službene novine Zeničko-dobojskog kantona“ broj 15/16, 7/16, 11/16) donijela Odluku o pokretanju postupka o pokretanju postupka javne nabavke broj: 14-14-16940-1/16 od 17.10.2016. godine, pokrenula postupak nabavke „Pružanje usluga održavanja i servisiranja motornih vozila za potrebe ZDK“.

Javna nabavka je provedena Otvorenim postupkom sa predviđenim zaključenjem okvirnog sporazuma na 2. godine dana u skladu sa članom 25. Zakona o javnim nabavkama. U planu javne nabavke procijenjena je vrijednost nabavke na 120.000,00 KM bez PDV-a.

Ugovorni organ je objavio obavješćenje na portalu javnih nabavki broj: 771-1-2-18-3-16/16 dana 06.12.2016.godine. Komisija za provođenje postupka javne nabavke, koja je imenovana Rješenjem broj: 14-14-16940-2/15 od 17.10.2016. godine, blagovremeno je izvršila javno otvaranje ponuda, te pregled i ocjenu ponuda i zapisnikom broj: 14-14-16940-9/16 od 29.12.2016. godine, konstatovala da su u

- predviđenom roku pristigle tri ponude, ponuđača: Auto servis „Golf“ Zenica, „STRONG AUTO“ d.o.o. Zenica, Auto centar „Beganović“ d.o.o. Zenica.

Nakon pregleda i ocjene ponuda naprijed navedenih ponuđača, Komisija je u zapisniku predložila Direktor Službe za zajedničke poslove da donese Odluku:

- da se ponude ponuđača Auto servis „Golf“ i Autocentar „Beganović“ odbiju kao neprihvatljive u skladu sa članom 68. stav 4. tačka i) Zakona o javnim nabavkama;
- o poništenju postupka javne nabavke za „Pružanje usluga održavanja i servisiranja motornih vozila za potrebe Zeničko-dobojskog kantona“, jer su ponude ponuđača Auto servis „Golf“ i Autocentar „Beganović“ neprihvatljive, a cijena preostale ponude Trgovačkog društva „STRONG AUTO“ d.o.o. je znatno veća od osiguranih sredstava za predmetnu nabavku, te da je ugovorni organ, u skladu sa članom 69. stav 2. tačke d) i e) obavezan poništiti postupak javne nabavke.

Komisija je utvrdila da ponude ponuđača Auto servis „Golf“ i Autocentar „Beganović“ ne mogu biti predmetom ocjene, zbog urađenih ispravki u Obrascu za cijenu ponude – Anex-III koje nisu urađene na način da su vidljive, te nisu potvrđene potpisom ponuđača sa datumom izvršene ispravke.

Uputstvom za pripremu modela tenderske dokumentacije i ponuda (Službeni glasnik BiH broj 90/14 i) je članom 18. stav 1. tačka m. predviđeno da se izvrši kontrola podataka o ispravkama i unos uočenih ispravki u zapisnik o pregledu i ocjeni ponuda. Uočene ispravke moraju biti vidljive i potvrđene potpisom ponuđača i sa datumom izvršene ispravke, a što u navedenim ponudama nije slučaj.

Uočene ispravke u posmatranim ponudama su u suprotnosti i sa članom 18. Zakona o računovodstvu i reviziji u Federaciji Bosne i Hercegovine („Službene novine FBiH“, br. 83/09) koji glasi:

„Ispravke u knjigovodstvenim ispravama u tekstu ili brojevima ne smiju se vršiti na način da dovode u sumnju vjerodostojnost knjigovodstvene isprave.

Ispravku precrtavanjem vrši ono lice koje je izdalo knjigovodstvenu ispravu i koje će ispravku istovremeno izvršiti na svim primjercima izdate knjigovodstvene isprave, što potvrđuje svojim potpisom, uz stavljanje datuma ispravke.

Izuzetak čine knjigovodstvene isprave o novčanim poslovnim događajima koje se ne smiju popravljati, nego se poništavaju i izdaju nove.“

U ovom slučaju se ponude ponuđača Auto servis „Golf“ i Autocentar „Beganović“ mogu smatrati knjigovodstvenom ispravom.

U skladu sa gore navedenim je predložila ugovornom organu da ponude ponuđača Auto servis „Golf“ i Autocentar „Beganović“ odbije kao neprihvatljive u skladu sa članom 68. stav 4. tačka i) Zakona o javnim nabavkama.

Dalje, pregledom preostale ponude ponuđača Trgovačkog društva „STRONG AUTO“ d.o.o., te poređenjem visine predmetne ponude (198.383,00 KM) sa planiranim sredstvima za realizaciju predmetne nabavke (120.000,00 KM), utvrđeno je da cijena predmetne ponude znatno veća od osiguranih sredstava za predmetnu nabavku.

Imajući gore navedeno, ugovorni organ, u skladu sa članom 69. stav 2. tačke d) i e) obavezan je poništiti postupak javne nabavke

Na osnovu svega navedenog, a u skladu sa članom 69. stav (2) tačka d) i e) Zakona o javnim nabavkama („Službeni glasnik BiH“, broj: 39/14), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Službi za zajedničke poslove Zeničko-dobojskog kantona, u roku od 10 (deset) dana od dana prijema ove Odluke. Žalba se podnosi u najmanje 3 (tri) primjerka.

Dostavljeno: 1x Ponuđači

(1x a/a)

Direktor
Čazim Karalić